

ձեւը՝ լուսկեաց այս լիճի առջեւ, ամայութեան մէջ՝ խորհրդանշանական եւ տրտում մի բան ունի իր մէջ, ինչպէս մեծ տօների ժամանակ կիսաբանդ տան վրայ բարձրացրած աղքատիկ մի դրօշակի ծփումը...

Գործկումը երիտասարդ եւ վայելուչ մի տղայ է, որի հետ շատ անգամ հանդիպած ենք Երեւանում: Յիշում եմ նրա մի պատմութիւնը. հայ երգի եւ Լենինի մասին:

— Մի օր, — պատմում էր նա, — յեղափոխութեան սկզբի օրերին, առանձին գնացքով Պետերբուրգից Մոսկուա էինք գնում: Վազոնը լեցուած էր աշխարհի չորս կողմից եկած համայնավար պատգամաւորներով: Էլ ո՞վ ասես չկար՝ չինացիից սկսած մինչեւ արիւնքի կեան խափշիկը...

Լենինը նստած էր արևուտ, շատ տխուր, եւ մենք ամէնքս էլ, արևունի եւ կրակի այն օրերին, մեր սրտերի դէմ անտրոշ, անհասկանալի մի ցաւ էինք սեղմել: Ոչ ոք չէր խօսում: Յանկարծ, ծանր այդ լուսթեան վերջ տալու համար, Լենինը առաջարկեց, որ ամէն մի պատգամաւոր ազգային մի երգ երգի: Ու հերթով երգեցին: Փրանսական, գերմանական, սպանիական, իտալական եւ ուրիշ ազգերի գեղեցիկ քայլերգներ երգուեցան, ոմանք ուրախ, ոմանք լի յոյսով եւ թափով, մեծ մասամբ ռազմաշունչ ե յեղափոխական...

Սակայն, գարմանալի է, բոլոր այդ երգերը մեզ թւում էին հեռուոր, օտար եւ շինծու. հոգեկան մեր վիճակը մնաց անփոփոխ: Նորից ամէն ոք լռեց եւ պատուհաններից դուրս նայեց արագօրէն խուռափող դաշտանկարին: Լենինը դիմեց ինձ. «Վարդանեան, ասեց, երգեցէք հայերէն մի երգ. ժողովրդական մի երգ»: Երեւակայեցէք, ես երբեք ոչ մի երգ երգած չէի կեանքիս մէջ եւ հայերէն երգ էլ չգիտէի... Կարծում էի, որ չգիտէի... Բայց Լենինը այնպիսի շեշտով խնդրեց, որ անկարելի էր մերժել: Եւ ես երգեցի՝ ո՞րտեղից էլ ճիտքս եկաւ՝ մեր տխուր ու տրտում, մեր լաւահոռաչ երգերից մէկը: Ռուսական ստեպների վրայ վազող այդ գնացքի մէջ, օտար այդ մարդերով շրջապատուած, արիւնոուշտ այն օրերին, հայ երգը էլ ի՞նչ ասեց այդ մարդկանց՝ չգիտեմ: Գիտեմ միայն, որ երբ վեր-

ջացրի, Լենինի աչքերի մէջ արցունք նշմարեցի եւ ամէն ոք խորապէս տպաւորուած էր:

«Հայ երգը, ասացին, ամենից գեղեցիկն էր բոլոր այստեղ երգուած երգերի մէջ»:

Ու Լենինը ասեց, «այո՛, այո՛, այդպէս է»...

* * *

Ոմանք կառք նստեցին, ուրիշները ձի հեծան, իսկ ես ուրիշ համայնաւար մի բարեկամի հետ ուղեցինք ոտքով գնալ:

— Այդպիսով երկիրը աւելի լաւ կը տեսնենք:

- Ի՞նչքան ճանապարհ է:
- Կարծում եմ մի ժամ, դուցէ եւ աւելի:
- Դէ, գնանք:

Սճուղին լիճավր լքում է քարեր բաժնելով եւ, երբ բարձրանում է վեր, թմբերի մօտ մրսում է: Մինակեաց եւ տխուր պանդխտի նրման, ճանապարհը դանդաղօրէն երկարում է դէպի իր ճակատագիրը, կարծր լաւայի մէջ հերկում է իր բախտը եւ ուժասպառ ոլոր է գալիս յոգնած օձի նման:

Բարեկամս գլուխը վար է ձգել, մտածում է: Իսկ իմ աչքերս անյադ են: Ա՛հ, այնքա՞ն ծարաւ է նաեւ հոգիս...

Չոր այս հողի վրայ, ուր փոշին ծանր է եւ անդոյն, քայլերս կոխկոտում են դեռ իրարմէ չքաժնուած ձմեռը եւ դարձնը:

Լեռների վրայ թառած ձիւնը իր թափանցիկ, բիւրեղեայ եւ սրաղ մատներով շոյում է դէմքս եւ միեւնոյն ժամանակ, վերջալոյսի մօտ, արկածախնդիր դարունը դարնում է իր կարմիր գլուխը օդին եւ թմբերի տակ ուրախ հռտաշում:

Կատարեալ ամայութիւն: Տեղ տեղ հերկըւած, ակօսուած հողերի կտորներ են պառկած:

- Այստեղ ցանո՞ւմ են:
- Յանում են: Բայց շատ ուշ է հասնում: Երբ վարը հնձում են, այստեղ հասկերը հազիւ նշմարելի են: Անյուսալի հող է, ու ցուրտ է. սղքատ բուսականութիւն կարծր հատիկներով...

Գաշտանկարը պատսպարուել է գեղնագոյն եւ ծանր մի ստուերի փլած կտորների տակ: Այդ կտորները երբեմն երբուում են, եւ